



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1720/10
Sarajevo, 14.7.2010. godine

02-50-1

15.07.2010

PRIMLJENO: 15.07.2010			
Organizaciona jedinica	Klasifikaciona oznaka	Broj i broj	Broj priloga
		02-50-1-16-46/10	

PARLAMENTARNA SKUPŠTINA BiH

- Domn naroda -


SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 128. sjednici održanoj 14.7.2010. godine, utvrdilo je Odgovor na izaslaničko pitanje koje je postavio gosp. Adem Ibrahimpašić, izaslanik u Domu naroda Parlamentarne skupštine Bosne i Hercegovine.

U pravitku dostavljamo Odgovor uz molbu da isti uručite izaslaniku.

S poštovanjem,



GENERALNI TAJNIK
Zvonimir Kutleša





BOSNA I HERCEGOVINA VIJEĆE MINISTARA

Broj: 05-50-1-1720/10

Sarajevo, 14.7.2010. godine

Adem Ibrahimpašić, delegat u Domu naroda Parlamentarne skupštine Bosne i Hercegovine, postavio je sljedeće delegatsko pitanje:

"Da li su sporazumi o međusobnom priznavanju certifikata o kvalitetu roba uistinu potpisani sa te dvije zemlje i ako jesu zašto naša preduzeća pri izvozu svojih roba u te zemlje i dalje imaju iste probleme kao i do sada".

Na postavljeno pitanje, Vijeće ministara Bosne i Hercegovine je na 128. sjednici, održanoj 14. 7. 2010. godine, utvrdilo sljedeći

ODGOVOR

Vijeće ministara Bosne i Hercegovine odnosno, Ministarstvo vanjske trgovine i ekonomskih odnosa, radi rješavanja problema izvoza roba u Republiku Srbiju i Republiku Hrvatsku, poduzelo je aktivnosti koje bi trebale dovesti do međusobnog priznavanja dokumenata o ocjenjivanju usklađenosti.

Pregovori sa Republikom Srbijom su završeni te su Protokoli o međusobnom priznavanju dokumenata izdatih od strane akreditiranih tijela i olakšavanju bilateralne trgovine robama predmetnog nadzora između Ministarstva vanjske trgovine i ekonomskih odnosa BiH, s jedne strane i Ministarstva zdravlja Republike Srbije i Minisarstva poljoprivrede, šumarstva i vodoprivrede Republike Srbije, s druge strane parafirani i spremni za potpisivanje.

Očekuje se potpisivanje navedenih Protokola prilikom prvog susreta visokih zvaničnika resornih ministarstava ili vlada dviju zemalja.

Kada je u pitanju potpisivanje ovih protokola sa Republikom Hrvatskom, na Zajedničkoj sjednici Vlade Republike Hrvatske i Vijeća ministara Bosne i Hercegovine, koja je održana 21.06.2010. godine u Splitu, trebao je biti potpisan Memorandum o razumijevanju na području unapređivanja trgovinske saradnje između Ministarstva vanjske trgovine i ekonomskih odnosa Bosne i Hercegovine i Ministarstva gospodarstva, rada i poduzetništva Republike Hrvatske, a na osnovu dogovora dvaju resornih ministarstava postignutog na sastanku održanom 04.03.2010. godine. Između ostalog, Memorandumom je trebala biti formirana i Radna grupa za saradnju na području međusobnog priznavanja dokumenata o ocjeni usklađenosti između dvije države. Stav bosanskohercegovačke strane bio je da u Memorandumu treba precizirati rok u kojem je potrebno da Radna grupa napravi (usaglasi) Prijedlog protokola o međusobnom priznavanju dokumenata o ocjenjivanju usklađenosti, na što hrvatska strana nije pristala. Kako niti jedna strana nije odustala od svojih stavova, planirano potpisivanje Memoranduma o razumijevanju na području unapređivanja trgovinske saradnje između Ministarstva vanjske trgovine i ekonomskih odnosa Bosne i Hercegovine i Ministarstva gospodarstva, rada i poduzetništva Republike Hrvatske, se odgodilo.

Inače, MVTEO BiH je već ranije pokrenulo aktivnosti za usaglašavanje Protokola sa Republikom Hrvatskom i u martu 2010. godine sa hrvatskom stranom dogovorilo osnivanje dva radna tijela i to Osnovno radno tijelo za industriju i Osnovno radno tijelo za poljoprivredno prehrambene proizvode. Do danas aktivnosti ovih radnih tijela nisu pokrenute. Očekivanja su bila da će se predmetnim Memorandumom proces ubrzati.

Predstavnicima hrvatske strane, kao i ekonomskom savjetniku pri Ambasadi Republike Hrvatske u Sarajevu, stavljeno je do znanja da je ovakvo stanje neodrživo i da je potrebno u što kraćem roku pokrenuti aktivnosti jer će se u suprotnom smatrati da hrvatska strana nije spremna na saradnju.

Zbog značaja potpisivanja ovih protokola sa obje naše susjedne zemlje, MVTEO BIH će, učiniti sve napore u cilju prevazilaženja nastalih problema i iznalaženja mogućnosti nesmetanog izvoza roba BIH porijekla u Hrvatsku i Srbiju.